

桐城吳先生集

8



廣陵書社

桐城吳先生集

8



廣陵書社

第八册

桐城吳先生全書 尺牘 (三) 五卷 補遺一卷 諭兒書一卷 民國十七年家刻本…… 一

桐城吳先生全書 行狀 一卷 民國十七年 家刻本 …………… 二九三

桐城吳先生全書

尺

牘

(三)

五卷 補遺一卷 諭兒書一卷

民國十七年
家刻本

稟請東鹿改屬潞州由

以下潞冀州
天津公牘

尺牘第五

為援据古制釐正疆域事宜竊照 國家設立府州以
統轄州縣原以大小相維收運臂使指之效雖疆土瓜
裂究必條分件繫挈領振裘若在遠而遙制則慮浮寄
孤懸處近而不轄又苦形格勢阻二者之弊或絕而不
屬或襍而不貫皆足令守土之吏呼應不靈非體國經
野之本意也潞州自雍正二年升為直隸以武強安平
饒陽三縣來屬廣袤百數十里屹然為畿南屏蔽惟西
南一隅與保定府之東鹿縣接境犬牙錯處而不相筭

攝在潞州則出城西行才廿五里便入東鹿境上聲教
不及政令不加舉手搖足動多牽制所謂形格勢阻者
是也在東鹿則四鄰無同府之縣保定各屬星羅碁布
均肉薄府城獨東鹿一邑遠在潞定二州境外越國鄙
遠不相附麗所謂浮寄孤懸者是也綜言其弊約有數
端一曰關提訟獄潞東境上或一村之中州民居其東
頭縣民居其西舍或一項之地州民耕其北陌縣民耕
其南阡小涉忿爭動輒構訟文移提訊展轉稽延隔縣
傳人十不一到此方懸案以待彼或置若罔聞此一弊

也二曰捕逐盜賊自古三輔近畿盜賊多於他郡漢朝循吏在京兆扶風者大率以治盜課最是也比來潑東之交尤為逋逃淵藪蓋襲唐季藩鎮之餘習風氣獷悍千歲不泯潑州之孤城村王家井東鹿之和末井孟家莊等處時有匪徒嘯聚出沒十百為羣一盜入室十家不敢誰何匹馬截路百夫望而驚潰州縣捕賊各有分地一越本境執須文牒關緝而匪徒逃捕但在舉足左右逃藏既易聚散不常商賈裹足不前良懦供其魚肉民貧地瘠職此之由此又一弊也三曰申覆文案州縣

之政治民全在聽斷事上則多恃文書文書往來必取
迅速朝發夕至乃有遵循東鹿距保定較遠往往縣牒
上府稟問機宜迨府符下縣事已全變至如審解人犯
尤以近地為宜由縣解府獄事往往未定一有駁斥府
復發縣若道里過遠則押解之役起解之囚均不勝其
煩苦此又一弊也四曰興發工役滹沱橫決自古以為
巨患脩濬既無善策其工程浩大亦非一州一縣所能
節節而為潞州各屬正當其衝百數十年以來或南或
北皆自東鹿入境南趨則潞武被災北決則饒安受惠

近日饒陽唐令脩濬本境河身工未成而水已至未及
歲事以愚見論之水即不至唐令工亦不成何則上流
來源下流去路彼既不得而治但從中道施功從古無
此治河之法也現奉憲札令潑州轉飭安平保定轉飭
束鹿俾上游一律興工通力合作蓋慮極為周詳惟上
游兩縣既分屬府州發號施令已虞扞格欲令同時并
舉共歲鉅工殊難預必就治河一事而其餘工役概可
類推此又一弊也五曰控制形執守牧之職平時則專
表率之責有事則取駕馭之權欲令哺車相依執須秉

其阨塞今潞州所屬三縣均在東北已為失執其西南定冀各屬尚有本管州就近統攝惟東鹿介處偏陲當潞州之門戶該管上司既鞭長莫及州官又無相臨之分呼吸不通此如四枝具存而右臂忽折卧榻之旁而他人酣睡一有疏失咎無所歸居安忘危習不為怪此又一弊也以上諸弊有潞東交受其害者有潞東分受其害者若非變通舊制五弊必難驟減考潞之為州置自隋代而東鹿來屬則起於唐時陸澤潞之舊治其故城乃在東鹿界中今所稱舊城鎮是也宋世州領五縣

其州治靜安一縣明代已省餘四縣則東鹿及今三屬縣是也徵之舊史自唐以迄金元東鹿皆隸涿州未嘗改屬迨乎元季始以武饒安割隸晉州東鹿割隸祁州而別以衡水來屬明代因之我朝州升為直隸轄境畧同宋時唯東鹿一縣尚未還屬蓋未詳考唐宋以來之舊制徒以東鹿先隸祁州祁屬保定東亦從屬不知祁州原領涿澤東鹿二縣自涿澤改屬定州則東鹿與祁已隔絕不通何能更屬保定今按之地形稽之史籍證以地方利病東鹿一縣應以改屬涿州為宜合無仰

懇憲臺俯允具奏釐定以正經界而重職守實於國
制民政兩有裨益伏乞垂鑒示遵

稟請裁併義學整頓書院由

竊查州治書院舊時經費頗饒自咸豐三年城陷以後
鹽當歇業發商生息各款頓失厚利而馮商拖欠鉅萬
挾入涿州書院幾於廢弛見今山長束脩不足供脂秣
之資生徒膏火不足償紙筆之費每歲祇能考試七月
師生相見曾無幾時一暴十寒為益蓋寡州內自嘉慶
丙戌以來遂無一人登進士榜者文運本已不振近則

上無宏獎之人又鮮栽植之惠讀書之士伏居鄉曲徒友寥寥見聞寡淺志趣凡近既無砥礪觀摩之樂各懷求田問舍之謀於是舉人多不會試秀才多不鄉試科第愈益稀少風氣愈益樸陋亟宜誘之上進激厲奮興前奉中堂札飭興修書院教以勸捐輸查廢產二事此州絕無殷富有力之家加以兵荒水旱仍歲不登各有自顧不遑之執故本年州境西北河水偏災雖有志撫綏亦不肖勸諭捐輸致滋擾累前與州人相語曾以憲札為詞勸各量力購書存留書院聞者皆有難色雖由

俗多儉嗇亦緣家鮮蓋藏此則勸捐一說已可弃置不
論至如查產充公則自乾隆時知州尹侃道光時知州
張杰先後查出廢產為書院義學留養局諸政之用張
杰又驅逐僧道添設義學至二百四十五處之多自此
以來境內廢產搜括殆盡而黨庠家塾遍乎四野此誠
良吏之遺惠曠代之盛舉惟義學如此之多當時規制
未詳皆係民間自行簡料散無友紀查檢難周聞在張
杰時已有村民偽造地畝學舍冊籍虛應官令而村內
實無義學者傳之愈久百弊叢生於是委員稽查則委

查之弊又起其後禁止委查則不查之弊更大馴至有名無實百不一存往往地畝占為私業學舍鞠為茂草一遇查驗或借人家學堂指為義塾或倩村內長老冒作塾師即有尚未廢壞之處而先生據案未必識丁弟子入塾有如點卯此等雖留之永久收效亦屬甚微若不稍與變通美利殊為可惜擬請覈實稽查分別裁併視其地畝較多規制未壞者酌留數處其地畝較少經費不給者則數處併為一處必子弟聰穎讀書可成而無力延師者方准送入義學仍由考試書院時錄取寒

士以為之師每年各學歲入必將成數報官即視先生
文學之優劣以定義學脩脯之高下其餘廢壞難復之
學久為豪民所乾沒者一概罷去而以查出地租盡歸
書院如此一轉移間義學弊實漸除可冀徐收實效書
院經費素裕必能大振士風利弊相權厥有數事義學
散在各村難於查察書院則一州四屬共見共聞一有
弊端羣起究詰義學由各村經理官不與聞書院則由
官催租由紳士經理錢財彼此牽制莫能侵蝕義學極
其效驗不過畧識之無稍記名姓書院則經費苟裕更